

Broj: 10-1165-1122

Datum: 17.10.2022.

Na osnovu člana 1. stav 2., Zakona o prijenosu, regulatoru i operatoru sistema električne energije u BiH („Službeni glasnik Bosne i Hercegovine“ broj 07/02, 13/03, 76/09 i 1/11); člana 2., stav 1., člana 7., tačka 7 i 33., stav 1., tačka j) Zakona o osnivanju Nezavisnog operatora sistema za prijenosni sistem u Bosni i Hercegovini („Službeni glasnik Bosne i Hercegovine“ broj 35/04); člana 38. Zakona o električnoj energiji Republike Srpske („Službeni glasnik RS“, broj 68/2020); člana 41. Zakona o električnoj energiji u FBiH („Službene novine FBiH“ br: 66/13, 94/15, 54/19 i 1/22); člana 19. Zakona o električnoj energiji („Službeni glasnik Brčko D BiH“, broj 27/21); članova 8., 12., 13., 17., 19., 20-25., Tržišnih pravila; tačke 3.7. Uslova za korištenje licence za aktivnosti Nezavisnog operatora sistema broj: 05-28-12-17-20/19, kao i Pravila o pristupu treće strane na prijenosni sistem broj: 04-28-359/06 od 07.12.2006. godine, a vezano za akt Državne regulatorne komisije za električnu energiju broj: 04-28-7-343-7/21 od 07.03.2022. godine, Zabilješke sa sastanka na temu pristupa tržištu električne energije u BiH elektranama priključenim na distributivnu mrežu od 15.03.2022. godine kao i Zapisnik sa sastanka na temu pristupa tržištu električne energije u BiH elektranama priključenim na distributivnu mrežu od 05.04.2022. godine, prijedlog modela, radne grupe za implementaciju rješenja koje omogućuje slobodan pristup tržištu proizvođačima električne energije priključenim na distributivnu mrežu, imenovane Rješenjem broj: 373-3/22 od 11.04.2022. godine i prijedlog radne grupe imenovane Rješenjem broj 01-1069-1/22 od 26.09.2022. godine generalni direktor donosi

ODLUKU

o izmjeni Instrukcije za implementaciju privremenog modela pristupa „Virtualne elektrane“ tržištu električne energije u BiH

Član 1.

1. Ovom Odlukom stavlja se van snage Instrukcija za implementaciju privremenog modela pristupa „Virtualne elektrane“ tržištu električne energije u BiH usvojena Odlukom o privremenom modelu kojim se omogućuje nediskriminatoran i slobodan pristup jedinstvenom tržištu električne energije u BiH elektranama priključenim na distributivnu mrežu broj 01-478-3/22 od 29.04.2022. godine.

2. Ovom Odlukom se utvrđuje Instrukcija za implementaciju privremenog modela pristupa „Virtualne elektrane“ tržištu električne energije u BiH (u daljem tekstu: Instrukcija) kojom se definišu obaveze i redoslijed postupanja učesnika na tržištu s ciljem implementacije modela iz člana 1. stav 1. Odluke o privremenom modelu kojim se omogućuje nediskriminatoran i

slobodan pristup jedinstvenom tržištu električne energije u BiH elektranama priključenim na distributivnu mrežu broj 01-478-3/22 od 29.04.2022. godine.

3. Instrukcija je sastavni dio ove Odluke.

4. Instrukcija se primjenjuje od 01.11.2022. godine.

Član 2.

Po stupanju na snagu ove Odluke izvršit će se izmjena Ugovora o balansnoj odgovornosti koji su zaključeni na osnovu Odluke o privremenom modelu kojim se omogućuje nediskriminatoran i slobodan pristup jedinstvenom tržištu električne energije u BiH elektranama priključenim na distributivnu mrežu broj 01-478-3/22 od 29.04.2022. godine i Instrukcije o implementaciji privremenog modela pristupa „Virtualne elektrane“ tržištu električne energije u BiH.

Ugovori o balansnoj odgovornosti će se izmijeniti najkasnije do datuma primjene Instrukcije iz člana 1. stav 4. ove Odluke.

Član 3.

Uputstva za dostavljanje dnevnih rasporeda usvojena Odlukom o privremenom modelu kojim se omogućuje nediskriminatoran i slobodan pristup jedinstvenom tržištu električne energije u BiH elektranama priključenim na distributivnu mrežu broj 01-478-3/22 od 29.04.2022. godine ostaju neizmijenjena.

Član 4

Ova Odluka stupa na snagu danom donošenja.

Prilog:
- Instrukcija

